

ԱՊՐԱՆԱՅԻ 1909 թ. ԿՈՏՈՐԱՄԵՆԵՐԸ

Ռ. Հ. ԳԱՍՊԱՐՅԱՆ

1908 թ. հուլիսին տեղի ունեցավ երիտթուրքական հեղափոխությունը, ավելի ճիշտ՝ վերնախավային հեղաշրջումը, որը մեծ հույսեր և պատրանքներ առաջացրեց թուրքիայի բնակչության, այդ թվում՝ հայերի շրջանում: Այն ընկալվեց որպես թուրքական դարավոր բռնակալության և դեսպոտիզմի, համիդյան շրջանի խժոժությունների և ազգահալած քաղաքականության վերջ: Եվ իրոք, շահագործվող ու իրավազուրկ ազգաբնակչությանն ընդհանրապես, թուրքիայի քրիստոնյա հպատակներին մասնավորապես, թվում էր, որ մոտ է իրենց իղձերի և ցանկությունների իրականացումը: Տառապած և կեղեքված հայ ժողովուրդն իսկապես հավատաց երիտթուրքերի հույսած եղբայրության, հավասարության ու ազատության լոզունգներին և հուսաց իրավիճակի փոփոխության՝ մի քանի ամիս գտնվելով երջանիկ անգլիտության և միամիտ հավատի մեջ: Ծիշտ է նկատել Հ. Դիրբենսը, որ «ափրոզ կայսրության մեջ ոչ ոք չէր տեսնում սրտագին շողունեց սահմանադրական ռեֆորմի հաստատումը, ոչ ոք այնպիսի նվիրված աջակցություն երիտթուրքերին յուրյց չի տվել, որպիսին արեցին հայերը»¹:

Երիտթուրքերը ժողովրդին դեմոկրատական ազատությունների, ազգային հալածանքի վերացման, իրավահավասարության հաստատման բազմաթիվ խոստումներ տվեցին, սակայն դրանք կյանքում իրենց լուծումը չգտան, չիրականացվեցին: Ավելին. այդ հեղափոխությունը շարժանցրեց ժողովրդի ստորին խավերի ինքնագիտակցությունը, «թշնամի էր օսմանյան կայսրության մեջ սկսվող պրոլետարական պայքարին»²: Միաժամանակ, որդեգրելով և շարունակելով Աբդուլ Համիդի վայրագ, հայաջինջ քաղաքականությունը, հետապնդելով պանիսլամական և պանթուրքական նպատակներ, երիտթուրքերն իրենց առջև խնդիր էին դրել օսմանիզմի գաղափարախոսությունն օգտագործել հպատակ քրիստոնյա ժողովուրդների բռնի թուրքացման համար: Ակադեմիկոս Ե. Տաուեն իրավացիորեն նշել է, որ երիտթուրքերն իշխանության գլուխ անցան այն հաստատ համոզմամբ, որ «ազգային հարցերը կլուծեն բոլոր ազգությունների ֆիզիկական ոչնչացմամբ, բացի թուրքերից և նրանցից, ովքեր կհամաձայնեն անհապաղ դառնալ թուրք»³:

Սահմանադրության նկատմամբ հայ ժողովրդի ունեցած հավատը խախտվեց 1909 թ. Ադանայի վիլայեթում կազմակերպված կոտորածներով, որն արդյունք էր երիտթուրքերի կողմից հայ ժողովրդի նկատմամբ ազգային ճնշման և հալածանքի քաղաքականության ուժեղացման: Պատահական չէր, որ այս անգամ ջարդեր կազմակերպվեցին ոչ թե Արևմտյան Հայաստանում, ոչ թե Անատոլիայի հայաբնակ շրջաններում, այլ կոնկրետ Կիլիկիայում: Սա ուներ իր օբյեկտիվ դրդապատճառները:

XX դ. սկզբին Ադանայի վիլայեթը համարվում էր թուրքիայի համեմատաբար զարգացած շրջաններից մեկը: XIX դ. վերջին օսմանյան կայսրությունում շարունակում էին տիրապետող մնալ ռազմաֆեոդալական հարաբերությունները: Բուրժուական հարաբերությունների որոշակի ձևավորում և հաստատում, կապիտալիստական արտադրության աճ հիմնականում առկա էին թուրքիայի եվրոպական մասում և ժովափնյա շրջաններում: Այդ շրջաններից էր նաև Ադանայի վիլայեթը, որտեղ կապիտալիստական արտա-

¹ Г. Гяббонс, Последние избиения в Армении, Пгр., 1916, с. 18.

² Վ. Ի. Լենին, Երկեր, հ. 17, էջ 268:

³ Е. В. Тарле, Соч., т. 5, М., 1958, с. 199.

դրանքանակն անհամեմատ ավելի արագ էր արմատավորվում, քան երկրի մնացած վայրերում⁴։

Վիլայեթի բնակչության ճնշող մեծամասնությունը կազմում էին հայերը։ Կ. Պոլսի հայոց պատրիարքարանի 1912 թ. տվյալներով Աղանայի վիլայեթում և Մարաշի սանջակում ապրում էր 377.000 հայ, իսկ Աղանա քաղաքի 66.000 բնակիչներից 22.000-ը հայեր էին, որոնք կարևոր դեր էին կատարում նահանգի սոցիալ-տնտեսական զարգացման գործում։ Հայերն ակնառու նվաճումների էին հասել տնտեսական, մշակութային և հասարակական բնագավառներում։ Նրանք հիմնականում իրենց ձեռքին էին կենտրոնացրել ներքին շուկայում ծավալվող առևտուրը, արդյունաբերական փոքրիշատե խոշոր ձեռնարկությունները և գյուղատնտեսական ապրանքների արտադրությունը։ Կիլիկիահայ բուրժուազիան կարողանում էր իր արտադրանքը վաճառահանել նաև արտաքին շուկա։ Երկրամասի տնտեսական զարգացման զարկերակը փաստորեն գտնվում էր հայկական բուրժուազիայի ձեռքին։ Գերմանական դիվանագետ Ռոհրբախը գրել է. «Ոչ մի կասկած չկա, որ նրանք (հայերը) — Ռ. Գ.) թե՛ իմացական և թե՛ նյութական տեսակետով ամենագործունյա տարրն են արևելյան բոլոր ժողովուրդների մեջ»⁵։ Նույն միտքն է արտահայտել նաև Ա. Տիբեկովան, նշելով, որ Թուրքիայում առևտրական բոլոր գործերը վարում են հայերը, որ «Թուրքերը խելքի են եկել և ուրախ կլինեին մրցել նրանց հետ, բայց դրա համար նրանք չունեն ոչ փորձ, ոչ փող»⁶։ Եվ ահա Կիլիկիայում այդ «գործունյա տարրի» արագ զարգացումը և տնտեսական անկախությունն ու ազդեցության մեծացումը չէին համապատասխանում Թուրքական նոր վեր բարձրացող բուրժուազիայի և ազգայնամոլ Թուրք ջարդարանների շահերին, որոնք էլ կազմակերպեցին ու իրականացրին Աղանայի հայերի 1909 թ. կոտորածները։

1890-ական թվականների ջարդերից Աղանայի վիլայեթը զերծ էր մնացել, իսկ Կիլիկիայի որոշ շրջաններ (ինչպես Զեյթունը) համառ դիմադրության շնորհիվ չախջախել, հետ էին մղել Թուրք հրոսակներին, փրկվել ֆիզիկապես և համեմատաբար ազատ մնացել ավեր ու թալանից, որով էլ հիմնականում բացատրվում է Կիլիկիայի հայության սոցիալ-տնտեսական զարգացման անհամեմատ ավելի բարձր մակարդակը, քան մնացած վիլայեթներում։ Կար նաև մեկ այլ հանգամանք. գարնան և ամռան ամիսներին Թուրքիայի տարբեր շրջաններից Աղանա էին գալիս 50.000 հայ մշակներ, որով Աղանայի վիլայեթը ամենախիտ բնակեցված հայաբնակ վայրերից էր դառնում։ Միով բանիվ՝ Ատանայի մեջ կամփոփվեին ամենաստվար հայությունը իր տնտեսական ու հողագործական բարգավաճ կյանքով, ուստի այս անդամ գլխավոր հարվածը հասցվեց Աղանայի հայությանը, թեպետ որ Ատանայի տրվելիք հարվածը Կիլիկիոյ սրտին տրված մահացու հարվածը պիտի ըլլար»⁷։

Աբդուլ Համիդը վաղուց էր ուշադրությունը կենտրոնացրել վաճառաշահ ու ծաղկած⁸ Կիլիկիայի վրա։ Զեյթունի լեռնականների 1895 թ. հերոսամարտերի հիշողությունները դեռ շատ թարմ էին, և արյունոտ սուլթանը Աղանայի խաղաղ զարգացումը տեսնելով, Հայկում հաստատեց զինվորական հատուկ հրամանատարություններ, որոնք ենթարկվում էին Յիզդին և որոնց խնդիրն էր Կիլիկիա գաղթեցնել մոտ 150.000 մահմեդականների՝ ի հակակշիռ այնտեղ հայերի թվական, տնտեսական և մշակութային գերազանցության⁹։

⁴ Ե. Թոփչյան, Երիտասարդ Թուրքիան, մաս 1-ին, Թիֆլիս, 1909, էջ 46։

⁵ Զ. Ս. Կիրակոսյան, Առաջին համաշխարհային պատերազմը և արևմտահայությունը, Երևան, 1965, էջ 62։

⁶ А. Тыркова, Старая Турция и младотурки, Пгр., 1916, с. 131.

⁷ Մուշեղ Եպիսկոպոս Սերոբյան, Ատանայի ջարդը և պատասխանատուները, Կահիրե, 1909, էջ 11։

⁸ Նույն տեղում, էջ 9։

⁹ Նույն տեղում, էջ 10։

Ադանայի վիլայեթում ջարդեր նախապատրաստվում էին դեռևս 1906—1907 թթ., որոնք կիրականանային, եթե չլինեին այդ տարիների նահանգապետ Բահրի փաշայի զուսպ և կշռադատված քաղաքականությունը: Նա իր պաշտոնավարության տարիներին արգելեց արդեն այն ժամանակ իսկ ջարդի սպառնալիքով լեցուն, դեռ նոր խմորվող ջարժումները: Նա կառավարության առջև ժխտում էր այն բոլոր զրպարտությունները, որոնք վերաբերում էին հայերին և որոնց նպատակն էր աստիճանաբար գրգռել թուրքական մոլեռանդությունն ու նախապատրաստել ջարդերը¹⁰:

Երիտթուրքական հեղափոխությունից հետո նոր վարչակազմը պաշտոնանկ արեց Բահրի փաշային: Նրան փոխարինեց համիդյան ոգով դաստիարակված, ջարդարարական հակումներ ունեցող Զևադ բեյը, իսկ նահանգի զորքերի հրամանատար նշանակվեց Վեհանական զեյթունցիների կողմից 1895 թվականին դաս ստացած»¹¹ Մուստաֆա Ռեմլի փաշան, որոնք անմիջականորեն կազմակերպեցին Ադանայի վիլայեթի կոտորածները՝ համաձայն ի վերուստ ստացած հրահանգների:

Սահմանադրության վերահաստատումից դժգոհ ուժերը սկսեցին Ադանայում բորբոքել կրոնամոլ թուրք հետադիմական տարրերին, ատելություն սերմանել հայերի և թուրքերի միջև, խորացնել ազգային թշնամանքը՝ գրգռելով «հյուրերից» դժգոհ բնակիցներին տարրերին:

Ինչպես հայկական նախորդ ջարդերը, այնպես էլ Ադանայի կոտորածները, երկար ժամանակ նախապատրաստվում էին կառավարության կողմից: «Պատմականորեն հաստատված ճշմարտություն մըն է, թե թուրք ամբոխը ինքնաբերաբար չի համարձակիր որևէ ջարժում րենելու և ան հրապարակ կուգա հայերու դեմ երկու պարագաներու մեջ միայն: Նախ պետք է հայ ժողովուրդը անգնն ըլլա և պաշտպանվելու միջոցներն զուրկ, հետո կառավարությունը ուղղակի պետք է թեյադրե և դողե զայն, որ իր ձախորդությունը պարագային ինքը իր բանակովը զորավիգ պիտի ըլլա իրեն»¹²,—իրավացիորեն նկատել է Գ. Թագվորյանը:

Ադանայի հայության կոտորածների անմիջական իրագործումը դրված էր տեղական իշխանության, կոնկրետ Զևադ բեյի վրա, որն իր պաշտոնին անցած օրեն իսկ... շարունակ խուլ հակասություն էր ցույց տված մեր ազգային-հարաբերական գործերուն հանդեպ, ամեն անգամ, որ առիթը ներկայացած էր»¹³,—գրում է ականատես Մուշեղ եպիսկոպոսը և ավելացնում, որ տեղի էին ունենում այնպիսի իրադարձություններ, որոնք տեսնված չէին բռնապետական շրջանում: Սահմանադրության հռչակումից 1,5 ամիս անց Ադանայում սկսվում է «խուլ կերպով ծայր տալ մեկ կողմն հակասահմանադրական ջարժումը և մյուս կողմն հայերու հանդեպ ջարդի մը սպառնալիք»¹⁴: «Հայրենիք» շաբաթաթերթը դեռ հունվարին անդրադառնալով Կիլիկիայում խմորվող դեպքերին, նշել է, որ «կուսակալության կեդրոնը Ադանան... Արգուլ Գատերի (ջարդերի կազմակերպիչներից—Ռ. Գ.) և իր արքայականներու շնորհիվ այսօր ճգնաժամային տենդոտ շրջանի մը մեջ կը տարուբերվի», որ «թուրք տարրը անհպելի հուր մը, մշտադադ կրակ մը դարձած է այս ժամուս»¹⁵: Եվ իրոք, 1908 թ. վերջին և 1909 թ. սկզբին հայ-թուրքական հարաբերություններն Ադանայում այն աստիճան էին սրվել, որ ըստի առ ըստ կարելի էր սպասել ջարդերի բռնկմանը:

Թուրքական շովինիզմը և մոլեռանդությունը գրգռելու, ընդհարումներ հրահրելու նպատակով ջարդի կազմակերպիչները 1909 թ. սկզբներին Ադանայի մզկիթներից մեկի դուռն ապականում են և հայտարարում, որ դա հայերի գործն է, որ հայերը պղծել են թուրքական մզկիթը¹⁶: Ջարդարարները

¹⁰ Նույն տեղում, էջ 14:

¹¹ Հ. Մ. Պոդոսյան, Զեյթունի պատմությունը, Երևան, 1969, էջ 368:

¹² Գ. Թագվորյան, Երազանքի ու տաղնապանքի տարիներ, Կահիրե, 1961, էջ 70:

¹³ Մուշեղ եպիսկոպոս Սերովյան, նշվ. աշխ., էջ 34:

¹⁴ Նույն տեղում, էջ 11:

¹⁵ Հայրենիք, Բոստոն, 1909, № 1:

¹⁶ Վալերադրեր Կիլիկիո կաթողիկոսական դիվանի, Բեյրութ, 1929, էջ 74:

քաղաքում շփոթություն և հուզում տարածելու, կրքերը բորբոքելու նպատակով կեղծ լուրեր են տարածում, որ Հաճրնի հայերը ապստամբություն են բարձրացրել, գրավել են զինանոցը և հարձակվելու են Աղանայի վրա, որտեղ, միանալով հայ ազգաբնակչությանը, ջարդելու են թուրքերին: Սպանելով մի թլպատված հայ երիտասարդի, ջարդը նախապատրաստողները նրան ներկայացնում են որպես մահմեդականի՝ սպանված հայերի ձեռքով, տարածելով նաև, թե քաղաքի այգիներում հայերը տանջամահ են արել մի թրքուհու, կոտորել 5 անձից բաղկացած ընտանիք¹⁷: Այս և նմանօրինակ շատ ղեպեր ոչ թե Աղանայի կոտորածների պատճառներն էին, այլ սոսկ առիթը դեպի հայերն ունեցած ատելության բռնկման՝ նախօրոք ծրագրված և իրականացված ջարդի կաղնակերպիչների կողմից:

Աղանայի առաջին ջարդը սկսվեց 1909 թ. ապրիլի 1-ին, չորեքշաբթի կեսօրին, բայց դեռ վաղ առավոտյան «տաղն ու վրա էր արված Թօսպաղը Գալեսի թաղը»¹⁸, իմանալով հայերի անհանգստության և երկյուղների մասին, նահանգապետ Զևադ բեյն իր մոտ է կանչում քաղաքի հայության հոգևոր և աշխարհիկ հեղինակությունների, նրանց հորդորում իրենց ազգակիցներին համոզել բացելու հայկական խանութները, որից հետո խուժանը կցրվի: Բայց թուրքերը, որոնք վաղ առավոտից հավաքվել էին շուկայում (գլուխներին կապած ձերմակ փաթեցնելով, որպեսզի ընդհարման ժամանակ ձանաչեն միմյանց), մուլաների առաջնորդությամբ հեղեղում են ողջ շուկան. հարձակվում այնտեղ գտնվող հայերի վրա և սկսում կոտորածը: Թուրքերին են միանում նաև քրդերն ու չերքեզները, որոնք ջարդերի առաջին օրը շուկաները թալանելով և կեղրոնեն դուրս թուրք թաղերուն մեջ բնակող կամ պանդոկներու մեջ մնացող քրիստոնյաները ջարդելով անցուցին»¹⁹: Շուկայում հայերի հետ հաշմեհարդար տեսնելուց և խանութները կողոպտելուց հետո մուսուլմանը ամբոխ հարձակվում է Հաճրնից, Մուշից, Խարբինդից, Տիգրանակերտից և Սերաստիալից եկած հայ մշակներով լեցուն Տուզ խան, Հալաբի օղլի խան, Վեզիր խան և բազմաթիվ այլ պանդոկների մրա: Չնայած որոշ վայրերում հայերը, հատկապես հաճրնիցիները, դիմում են հուսահատ և համառ դիմադրության, այնուամենայնիվ, կոտորածների հենց առաջին օրը միայն պանդոկներում «կատարյալ վայրագություն»²⁰: սպանվում է ավելի քան 300 մարդ²⁰, Գիշերը ջարդարարները կատաղի գրոհ են ձեռնարկում հայկական թաղամասերի վրա: «Հրազեններու անթիվ պայթյուններեն երկինքը կը գողար և երկիրը կը սարսռեր, խառնակությունը ծայր աստիճանին հասած էր»²¹, «երկու կողմերե հոացանաձգությունները կը որոտային... մինչ օգնության աղաղակները ավելի եր սարսռեցնեհին զմեզ»²², — այսպիսի հուզիչ արտահայտություններով է նկարագրել Հ. Թեոֆանն այն դժնդակ օրերի արհամիրքը: Առաջին օրվա ջարդից հետո սկսվում է հայկական թաղամասերի հրդեհումը: Դեպքերի ականատեսը գրել է. «Գիշերվան մութը կը մոտենար բերելով իր հետ լուռության սոսկումներ. զենքի ձայները կը դադարեր. դիակները շուկաներուն և փողոցներուն մեջ փռուած կը մնային: Ավերիչ բոցերու լույսերով տեղ-տեղ թաղերը լուսավորված, դաշտերը կերևային, հրդեհը հառաջ կը խաղար ահռելի ճարձատումներով. սև մոխիրը կարծես դժոխքի խորերեն կելլար. Ատանա հրաբուխ վեհ սուվներով շրջապատված կերևար»²³:

17 Շ. Թեոֆան, Կիլիկիո աղետը, Կ. Պոլիս, 1912, էջ 27:

18 Նույն տեղում, էջ 29:

19 Նույն տեղում, էջ 32:

20 Նույն տեղում, էջ 34:

21 Նույն տեղում, էջ 35:

22 Նույն տեղում, էջ 41:

23 ՀեՍՀ Պետական կենտրոնական պատմական արխիվ (այսուհետև՝ ՀեՍՀ ՊԿՊԱ) ց. 1, գ. 387, ք. 28:

Ապրիլի 2-ին, չկարողանալով դիմադրել բազմահազար ջարդարարներին, հայերն ապաստանում են քաղաքի կենտրոնում գտնվող եկեղեցիներում ու դպրոցներում: Այդ օրերի սպանդը և ահավոր դեպքերն արտացոլվել են նաև ֆրանսիացի լրագրող, ազգությամբ հույն Ադոսսիդեսի «Հայերն ու երիտթուրքեր» գրքում, որտեղ հանգամանորեն շարադրված է կոտորածների ողջ ունեցողն իր քստմենելի մանրամասներով: «Որոշ տեղերում,—գրում է նա,— հայերին սպանում էին խմբերով, 100—200 մարդ միասին՝ մի փոքրիկ տարածության վրա...»²⁴, Երեկոյան զինված խառնամուղ հարձակվում է եկեղեցիների վրա, որտեղ պատսպարվել էին հուսահատ կացության և մահվան սպասման մեջ գտնվող հայերը: Հրդեհվում են եկեղեցիները, դպրոցները, շրջապատվում է ամերիկյան իգական վարժարանը, որտեղ ապաստանած հայ մանուկներին փրկում է ամերիկացի միսիոներ Չեմբերսը²⁵: Ադոսսիդեսի վկայությամբ քաղաքն այնպիսի մարդկանց ձեռքին էր, որոնց մեջ մարդկային ոչինչ այլևս չէր մնացել: «Նրանք վազում են, խոցում, սպանում, մաս-մաս մորթում և հեռանում արյամբ և քրտինքով պատված, ոռնալով, ինչպես վայրի գազաններ»²⁶:

Ապրիլի 3-ին կոտորածն է՛լ ավելի է սաստկանում²⁷: Կողոպտիչների և մարդասպանների նորանոր խմբեր Հալեպից ու Սեբաստիայից դիմում էին դեպի Ադանա, «որով խուժանը ծովածավալ համեմատություն մը առած էր»: Նույն օրը հայերը Օսման բեյի միջոցով կուսակալ Ջևադ բեյին են հաղորդում իրենց լալահառաչ, աղեկտուր խնդրանքները՝ դադարեցնել իր վայրագությունները, անգթությունները և դաժանությունները մինչ այդ շտեմնված կոտորածները, որից հետո «կառավարության կողմեն խումբ մը պաշտոնյաներ և զինվորներ եկան» և հանդարտեցրին թուրքերին՝ դադարեցնելով կոտորածները²⁸: «Ձին-վորները, որ ջարդեն առաջ իբր թե փոքրաթիվ խուժանը չէին կրցած զսպել, ջարդեն հետք անոր տասնապատիկը ավելի եղող խուժանը զսպեցին կես ժամվա մեջ»²⁹,—նկատել է Հ. Թերզյանը և այստեղից եզրակացրել, որ ամեն ինչ տեղի էր ունենում կառավարության գիտություններ: Սվ իրոք, կոտորածների այդօրինակ մեկ հրամանով դադարեցումը ապացույցն էր այն բանի, որ դրանք «պատրաստված և կազմակերպված էին տեղական իշխանությանց գիտակցությամբ և հրամանով»³⁰:

Հայերը չէին հավատում անսպասելի փրկությանը և միայն 2 օր անց սկսեցին վերադառնալ իրենց ավերված ու կողոպտված բնակարանները: Երկուշաբթի օրը ջարդերի սպառնալիքից, Ադանայի հայության մի մասը բռնեց գաղթի ճամփան՝ փրկություն որոնելով Եգիպտոսում, Կիպրոսում, Մերսինում և այլուր, սակայն շուտով նահանգային իշխանությունն արգելեց այդ գաղթը, «կարծես նկատելով, որ երկրորդ ջարդին ենթարկվելիք մարդ մը չը պիտի մնա»³¹:

Կոտորածների հանկարծակի և միանգամից դադարեցումը կասկած հարուցեց հայերի մեջ, որն օրավուր աճում էր ջարդերի միջև ընկած ինն օրվա ընթացքում: «Հանդարտության բուն պատճառը չէինք գիտեր,—գրում է դեպքերի ակնատեսը,—պատճառը արդյոք կուսակալին ղրկած խնդրագիրն էր, եթե ոչ իսլամներուն ջարդե, կողոպուտե, հրդեհեի հոգնիլը, և կամ ավելի սաստիկ հարձակման համար ժամանակ շահիլ ուզելը: Սակայն ինը օր հետք

24 Геноцид армян в Османской империи. Сборник документов под редакцией М. Г. Нерсисяна, Ереван, 1982, с. 208.

25 Հ. Թերզյան, նշվ. աշխ., էջ 46:

26 Геноцид армян..., с. 208.

27 Հ. Թերզյան, նշվ. աշխ., էջ 50:

28 Հ. Աշխատանք, Ատանայի եղեռնը և Գոնիայի հուշեր, Նյու-Յորք, 1956, էջ 19:

29 Հ. Թերզյան, նշվ. աշխ., էջ 55:

30 Հ. Պապիկյան, Ատանայի եղեռնը: Տեղեկագիր Հակոբ Պապիկյանի օսմանյան երես-փոխան էգիպտեի, Կ. Պոլիս, 1912, էջ 27:

31 Հ. Աշխատանք, նշվ. աշխ., էջ 23:

կրկնվող երկրորդ ջարդը մեզ բոլորս ալ համոզեց, թե հանդարտության բուն-պատճառը վերահիշյալ երեքեն երրորդն էր»³²։ Արդեն ապրիլի 9-ին իթթի-հատի անդամ Իսմայիլ Սեֆան «Իթիտալ» թերթում հանդես եկավ նոր ջարդեր սկսելու կոչով։ Այն, ինչ կատարվել է, դեռ ամենը չէ, դա բավարար չէ։ Մենք միայն ընդմիջում տվեցինք, բայց մենք դեռ կտեսնենք, թե ինչով կավարտվի այս ամենը»³³։

1909 թ. ապրիլի 12-ին Ռումելիայից Աղանա են դալիս երիտթուրքական «ազատարար» բանակի 2 գունդ և կանգ առնում Կըշլա Մեյդանի կոչվող վայրում³⁴։ Երեկոյան ժամը 10-ին թուրքերն օգնության աղաղակներով դիմում են դորքին՝ «պաշտպանություն խնդրելով հայերի «հարձակումներից» և զինվորները, որոնք իթթիհատի Սալոնիկի կենտրոնից ստացել էին «ջարդին պակաս ձգածը լրացնելու» գաղտնի հրահանգը՝ անցնում են հարձակման³⁵։ Ադոսսիդեսի վկայությամբ «ազատարար» բանակի զինվորները ճբալում են մարդասպանների և հրկիզողների առջևից»³⁶։ Նշենք, որ ջարդերին մազա-չափ անգամ չխանգարեց այն հանգամանքը, որ Մերսին էին գտնվում անդ-լիական, ֆրանսիական, ռուսական և իտալական 7 ռազմանավեր, որոնք դե-սանտ էին իջեցրել և գրավել ափամերձ շրջանը³⁷։

Ապրիլի 12-ի գիշերը զինվորների և բաշիբոզուկների խառնամբուր հար-ձակվեց Մուշեղյան վարժարանի վրա, որտեղ պատսպարվածները փորձեցին փրկվել կրակի բոցերից և դուրս եկան հրկիզվող շենքից, սակայն զնդակա-հարվեցին, իսկ շատերն այրվեցին բոցերի մեջ։ Այս անգամ հայկական թա-ղամասերի հրկիզողներն էին նոր ժամանած զինվորները, որոնք «վրձի միայն ալդ միջոցն էին գտել, որովհետև թուրք և քուրդ խուժանը մինչ այդ ամեն բան թալանել էր»³⁸։

Կոտորածների մասշտաբով, սպանդի դաժանությամբ, ավարի և կողո-պտուի սաստկությամբ Աղանայի վիլայեթի կոտորածների երկրորդ փուլը ավելի ահավոր և սահմեկեցուցիչ էր։ «Առաջին ջարդի միջոցին Ատանայի շրջակա գյուղերուն մեջ գտնվող հայերը և Ատանայի կեդրոնը քիչ կորուստ ունեցավ, մինչդեռ երկրորդ ջարդը կործանեց Ատանան»³⁹։ Կ. Պոլսի ռու-սական դեսպան Զինովևի՝ Ռուսաստանի արտաքին գործերի մինիստրությանն ուղղված հաղորդագրության համաձայն դեռ «ոչ վաղուց ծաղկող Աղանա բաղաբի երեք շորրորդն ավերված է»⁴⁰։ Միայն Աղանայում ջարդերին զոհ գնաց 18.627 մարդ⁴¹։

Աղանայի կոտորածներին զուգընթաց, ջարդեր տեղի ունեցան նաև վի-լայեթի հայաբնակ այլ վայրերում։ Ապրիլի 1-ին հուլումներ սկսվեցին Տար-սուլում։ Հրդեհվում են հայկական թաղամասերը և 4000—5000 անօթեան հայեր ապաստանում են տեղի մամբրիկյան վարժարանում։ Հրո ճարակ դար-ձավ ավելի քան 600 տուն⁴²։ Միայն քաղաքում սրի քաշվեց 96 հայ⁴³, իսկ ողջ շրջանում՝ մոտ 560, որից 160-ը ամբողջովին ավերված Գոզ-Օլուզ գյու-

³² Նույն տեղում, էջ 20։

³³ Геноцид армян..., с. 210.

³⁴ G. Bresol, Les Turcs ont passé là. . . , Paris, 1911, p. 101—102.

³⁵ Զ. Ս. Կիրակոսյան, Երիտթուրքերը պատմության դատաստանի առաջ, հ. 1, Երե-վան, 1982, էջ 267։

³⁶ Геноцид армян..., с. 211.

³⁷ Հ. Թերզյան, Նշվ. աշխ., էջ 61։

³⁸ Գործ, Թիֆլիս, 28. IV. 1909։

³⁹ Հ. Թերզյան, Նշվ. աշխ., էջ 59։

⁴⁰ Архив внешней политики России (далее-АВПР), ф. Канцелярия МИД, 1909, д. 38, т. I, л. 274.

⁴¹ Հ. Մ. Պողոսյան, Նշվ. աշխ., էջ 367։

⁴² Геноцид армян..., с. 214.

⁴³ Fernan DuCkette, Turkish Atrocities. The Young Turks and the Truth about Holocaust at Adana in Asia Minor, During 1909, 1913, p. 51.

ղում⁴⁴։ Տարսուսից ջարդերը տարածվում են դեպի Ապտոշլու, որը թուրք ավարառուները շրջապատում են ապրիլի 3-ին։ Կրակի են մատնվում գյուղի բոլոր 130 տները, ամենայն դաժանությամբ մորթվում են 600 հոգի⁴⁵։ Ահավոր բարբարոսություններ տեղի ունեցան հատկապես Մխիսում (Մամեստիայում), որտեղ կենդանի մնացին միայն 80 կին և տղամարդ՝ ներառյալ ծծկեր երեխաները⁴⁶։ Գետին են հավասարեցվում Ինջիրիկի 145 հայկական տները։ 700 բնակիչներից կենդանի են մնում ընդամենը 60 հոգի⁴⁷։

Ապրիլի 1-ին կոտորածներ են տեղի ունենում նաև Օսմանիեում, որտեղ «գործված վայրագությունները Կիլիկիո եղեռնին գլուխգործոցն է» — ցավով նշել է Հ. Թերզյանը։ Փլվում է այրվող եկեղեցին և 500 հայեր մնում են փախուսածների տակ։ Գազանաբար հոշոտվում են մոտ 1500 հոգի⁴⁸։ Գրբըգ-Պայասում տեղական բանտից ազատ արձակվեցին «500 բանտարկյալներ, որոնք չհապաղեցին մասնակցել վայրագություններին»⁴⁹։

Սպանություններ և վայրագություններ են կատարվում նաև Մերսինում, որտեղ ռուսական «Ուրալեց» ռազմականավի նավապետ Կուզնեցովն իր նավն է ընդունում ջարդերից մազապուրծ 3 տղամարդու և 62 կանանց ու երեխաների, փրկում նրանց մահվան սպառնալիքից, տեղափոխում Ալեքսանդրեթ և ապահովում սննդով⁵⁰։

Ավերածությունների, թալանի ու կոտորածների ենթարկվեցին նաև Հասան Բելլին, Լափաշլուն, Լաթաքիան, Այասը, Այնթապը, Անտիոքը և այլն⁵¹։

Ադանայի կոտորածների պատմության ուսումնասիրման գործում առանձնահատուկ տեղ պետք է հատկացնել հայերի օրհասական-հերոսական ինքնապաշտպանությունը, որը տեղ-տեղ պսակվում էր լիակատար հաղթանակով։ Դիմադրություն կազմակերպվեց ինչպես Ադանայում, այնպես էլ վիլայեթի այլ բնակավայրերում։ «Երբ հասկացանք, որ լաց, ողբ, աղաչանք, պաղատանք և անձնատուր ընթացող շունի, և տեսնելով, որ կառավարությունն ալ զինվորներով ու ոստիկաններով խուժանին միացած է, ստիպվեցանք ճգնաժամային բուռն դիմադրության մը դիմել, որ եթե քիչ մ'ալ ուշացնեինք՝ անկասկած ամբողջությամբ ոչնչացած պիտի ըլլայինք»⁵², — գրել է Հ. Թերզյանը։

Հայերն Ադանայի 3 թաղերում ինքնապաշտպանություն են կազմակերպում և այնքան հաջող, որ որոշ տեղերում դիմանում են 24—48 ժամ՝ «շատ անգամ ետ մղելով հարձակվողների գրոհները՝ նրանց մեծ վնասներ հասցնելով»⁵³։ Տեղ-տեղ մի քանի հոգու հաջողվում էր հաղթել մի ամբողջ ավազակախմբի, իսկ ոմանք նույնիսկ համարձակ արտագրոհի էին դիմում, «որպեսզի օգնություն ցույց տան առանձին հայկական տներին»⁵⁴։ Ընդ որում, «զինված էին միայն մոտ 100-ի չափ հայեր», որոնք համառորեն կռվում էին «ահագին խուժանի և նրան միացած զորքի դեմ»⁵⁵։

Կիլիկիայի մի շարք շրջաններում ևս հայերը կարողացան դիմել կազմակերպված ինքնապաշտպանության։ Թուրք հրոսակները բուռն դիմադրության են հանդիպում Դյուրթ-Յուլի (Չոք-Մարզվան) հայերի կողմից։ Շրջապատված լինելով բազմահազար ռեդիֆներով (պահեստի զինվոր) և բաշի-

44 Հ. Թերզյան, նշվ. աշխ., էջ 166։

45 Նույն տեղում, էջ 183։

46 Геноцид армян..., с. 217.

47 Նույն տեղում, էջ 214։

48 Հ. Թերզյան, նշվ. աշխ., էջ 199—202։

49 АВПР, ф. Канцелярия МИД, 1909, д. 35, л. 19.

50 Նույն տեղում, թ. 23։

51 Հեռու ՊԿՊԱ, ֆ. 57, ց. 2, գ. 1828, թ. 5։

52 Հ. Թերզյան, նշվ. աշխ., էջ 36։

53 Геноцид армян..., с. 207.

54 Նույն տեղում։

55 Գործ, 28. IV. 1909։

րողուններով, հայերը շտապ պատրաստում են 150 պաշտպանական կետեր և իրենց ուժերը բաշխում դրանց վրա: Պատրաստվել էր արհեստանոց, որտեղ օր ու գիշեր աշխատում էին 100 հոգի և հայ մարտիկներին ապահովում մարտական անհրաժեշտ հումքով⁵⁶: Տեսնելով, որ ամրոց-բնակավայրը համառորեն պաշտպանվում է և ծանր հարվածներ հասցնում, թուրքերը 2 օր անց թնդանոթներ են բերում, գրավում գյուղի մի մասը, կտրում խմելու ջուրը, սակայն չեն կարողանում կոտրել հայերի պաշտպանողական կամքը⁵⁷: Մարավ մնալով ավելի քան մեկ շաբաթ, հայ քաջորդիները «գիշեր ցերեկ թշնամյաց գնդակներուն կը դիմադրեին պահպանելու համար ժողովրդողական կեանքն ու պատիվը՝ օրհասի մը երկունքով»⁵⁸: Օժանդակ ուժեր ստանալով՝ թուրքերը պատրաստվում են նոր, ավելի ուժեղ հարձակման, իսկ հայերը՝ օրհասական դիմադրության: Առաջին օրերի սարսափից հետո տղամարդկանց են միանում մոտ 100 երիտասարդ կանայք և աղջիկներ՝ դինվս.ժ դերանդներով ու նիզակներով: Պատրաստվեց 3000 նիզակ, որով ինթաղրվում էր դինել անգնեն կանանց և պատանիներին⁵⁹: Բայց պաշտպանության 13-րդ օրը օտարերկրյա հյուպատոսների և միսիոներների միջամտության շնորհիվ Դյորթ-Յուլի պաշարումը դադարեցվեց:

Համառ դիմադրությամբ աչքի են ընկնում նաև Սիս քաղաքի հայերը, որոնք ապրիլի 2-ից մինչև 6-ը Թուրսարգսյանի և Գյուտ վարժապետի ղեկավարությամբ հետ են մղում թուրքերի բոլոր գրոհները⁶⁰:

Անօրինակ, խիզախ պաշտպանությամբ կոտորածից փրկվում է 45 տուն և 200 բնակիչ ունեցող Շեյխ-Մուրադը՝ «շնորհիվ որոշ անհատների հերոսական ջանքերի»⁶¹: Որսորդական հրացաններով զինված 3 քաջեր ողջ բնակչությանը հավասրելով գյուղի կենտրոնում, «գրավելով կարևոր կետերը... այնպիսի արագությամբ էին կրակում, որ հարձակվողները վստահ էին պաշտպանվողների զգալի ուժերի մեջ»⁶²: Ուրբաթ և շաբաթ օրերին հայերը բազմիցս հետ են մղում թուրքերի գրոհները: Զարդարարներին վախեցնելու համար պաշտպանները դիմում են խորամանկության. ջրի խողովակի մի անցրը փակում են, մյուսի մեջ վառող լցնում և պայթեցնում, որից հետո թուրքերը զգուշանում են, կարծելով, թե հայերը զինված են նաև թնդանոթներով: Պաշարման 5-րդ օրը հայերը ճեղքում են շրջապատման օղակը, անցնում Աղանա և ապաստանում Մուշեղյան վարժարանում⁶³, Կոտորածներից փրկվելու համար Բախչի հայերը բարձրանում են սարերը, սակայն «ներանց ետևից 20 օրվա ընթացքում իսկական որս էր շարունակվում»⁶⁴: Ֆրանսիական հյուպատոսը հիշում է, որ Համիդիեն ավերումից 15 օր անց «իրենից ճակատամարտի դաշտ էր ներկայացնում»⁶⁵: Համառ դիմադրություն են ցույց տալիս նաև Հաճընի հայերը, որոնք բազմիցս հետ են մղում իրենց թաղերը գրոհող թուրքական զերակշիռ ուժերին: Իրադարձությունների մասնակիցը՝ և ղեկավարի ականատեսը գրում է. «Հաճընի ճակատամարտին մեջ ամենամեծ անձնվիրություն ցույց տվավ ամերիկուհի միս Ռոդ Լեմպերթ, որուն կողմն Մերսինի անգլիական հյուպատոսին գոված ամենաբխիտ հեռադիրներուն շնորհիվ էր, որ Հաճընը ազատեցավ»⁶⁶:

56 Геноцид армян..., с. 200.

57 Հ. Թեբրդյան, նշվ. աշխ., էջ 223:

58 ՀեՍՀ ՊԿՊԱ, ֆ. 57, ց. 2, գ. 1850, թ. 16:

59 Геноцид армян..., с. 200.

60 Է. Ոսկերչյան, Կիլիկյան հուշեր, Հալեպ, 1930, էջ 28:

61 Геноцид армян..., с. 199.

62 Նույն տեղում:

63 Հ. Թեբրդյան, նշվ. աշխ., էջ 220:

64 Геноцид армян..., с. 199.

65 Նույն տեղում:

66 Հ. Թեբրդյան, նշվ. աշխ., էջ 240:

Դաժան ընդհարումներից հետո թուրքերին հաջողվում է գրավել Հասան-Բեյլին ու Շարդերը, սակայն նրանք չեն կարողանում ոչնչացնել բնակիչներին, որովհետև վերջիններս ինքնապաշտպանական համառ մարտերից հետո կազմակերպված հեռացել էին»⁶⁷։

Որոշ հուզումներ են լինում Մարաշում, սակայն դրանք կարճ ժամանակում դադարում են, խաղաղությունը վերահաստատվում է մասնավորապես այն բանից հետո, երբ թուրքերին տեղեկություններ են հասնում, որ քաղաքում շարդեր կազմակերպելու դեպքում Զեյթունի քաղամարտիկ լեռնականները շարժվելու են դեպի Մարաշ։ Մարաշի տ. Սահակ քահանա Պետրոսյանի հեռագիրը՝ ուղղված զեյթունցիներին, վկայում է, որ «եթե Զեյթունի անունը ու սարսափը չըլլար կարելի չէր, որ Մարաշի մեջ հայ մնար»⁶⁸։

Դժվար է գերազանահատել ինքնապաշտպանության դերն ու նշանակությունը. «Կարելի է վստահ լինել, որ... առանց հայերի ինքնապաշտպանության իրադարձությունները շատ ավելի ծանր ընթացք կստանային»⁶⁹։ Ադանայի վիլայեթի ինքնապաշտպանական մարտերը հայ ժողովրդի հերոսական պատմության կենսաց ու մահու մաքառման դրվագներից են։

Ադանայի կոտորածներն իրենց ձևերով, իրագործման վայրերի եղանակներով, ահավոր մեթոդներով ցնցեցին ողջ աշխարհը։ Ե՛վ կանայք, և՛ երեխաները, և՛ ծերերն ու հիվանդները առկա եղած են ամենադժգին վարմունքներով⁷⁰։ Օսմանյան պառլամենտին ուղղված ապրիլի 6-ի հեռագրում Ադանայի հոգևորականները նշում էին, որ հայերը ենթարկվեցին «այնպիսի անգթություններու և հալածանքներու, որոնք տեղի ունեցած չէին ճնշիչ խանի և Թիմուրենկի ժամանակները»⁷¹։ Ականատեսներից մեկը գրել է. «Որոշ զոհեր ենթարկվում են մի ամբողջ շարք այնպիսի կատարյալ ձեռքարկող տանջանքների, որպեսզի ավելի երկար շարունակվի տանջամահ արվողի կյանքը և երկարի իրենց (թուրքերի—Ռ. Գ.) բավականությունը. նրանց (հայերին—Ռ. Գ.) խեղում են, եղունգները հանելով շարդում մատները, մարմինները դաջում այրված երկաթով, հանում գանգամաշկերը, ի վերջո մարդուն վերածում են շիլայի, որը շարտում են շներին որպես կեր»⁷²։

Ադանայի կոտորածներից անմիջապես հետո թուրքական կառավարությունն աշխատեց կեղծել փաստերը և շարդերի հեղինակներ ներկայացնել հայերին, տուժողներ՝ թուրքերին։ Այսպես, Ադանայի նոր կռավալ Մուստաֆա Զիհնի փաշան 1909 թ. մայիսի 1-ին Կ. Պոլիս ուղարկած հեռագրով հաղորդում է, որ սպանված «խսլամներու թիվը 1924 և վիրավորյալներու թիվը 533 է»⁷³, իսկ «հայերի սպանվածներու թիվը 1455 և վիրավորյալներուն 383 է»⁷⁴։ Բայց, իրականում, շարդարարների ռեժոնսյանն ու ազգամուլական ծրագրին, որուն նպատակն էր Կիլիկյան հայության ուժն ու հարստությունը, ազդեցությունն ու դիրքը կործանելը⁷⁵, զոհ գնաց ավելի քան 30.000 մարդ⁷⁶, իսկ համաձայն որոշ թերթերում հրապարակված հաղորդագրությունների՝ զոհերի թիվը կազմում էր մոտավորապես 35.000⁷⁷։

67 Ա. Ս. Համարյան, Երիտթուրքերի ազգային ու հողային քաղաքականությունը և ազատագրական ջարժումներն Արևմտյան Հայաստանում, Երևան, 1979, էջ 33։

68 Զեյթունի հոգևոր առաջնորդ Վ. Արջակունու հուշերը (ձեռագիր), էջ 29 (պահվում է պատմաբան Հ. Մ. Պողոսյանի անձնական արխիվում)։

69 Геноцид армян..., с. 199.

70 Հ. Պապիկյան, նշվ. աշխ., էջ 15։

71 Հ. Աշխատան, նշվ. աշխ., էջ 21։

72 Геноцид армян..., с. 209.

73 Հ. Աշխատան, նշվ. աշխ., էջ 90։

74 Նույն տեղում։

75 Մ. Մաշտոցի անվան Մատենադարան, Զանազան հեղինակների արխիվ, թղթ. № 14, վավ. № 521։

76 Պատմություն կաթողիկոսաց Կիլիկիո, Անթիլիաս-Լիբանան, 1939, էջ 909։

77 Геноцид армян..., с. 196.

Աղանալի կոտորածների կազմակերպման և կազմակերպիչների վերաբերյալ պատմագրության մեջ կան տարբեր կարծիքներ՝ մեղադրող և՛ երիտթուրքերին, և՛ Արդուլ Համիդին։ Այս տարակարծիքներն առկա են նաև ժամանակակիցների ու ակադեմիկոսների հոշերում։ Նշենք, որ նրանց մեծ մասն Արդուլ Համիդին և նրա պաշտոնյաներին Աղանալի կոտորածների կազմակերպիչներ էին համարում նախ և առաջ այն պատճառով, որ դեռևս պատրանքներ էին տալիս երիտթուրքական հեղափոխության նկատմամբ ու դժվար էր հավատալ նրանց մեղավորությանը։ Բացի այդ, ջարդի օրերին սուլթանի կողմնակիցները հակասահմանադրական, հետադիմական շարժում բարձրացնելով՝ գրավել էին մայրաքաղաքը և զավթել իշխանությունը։ Սակայն շմոռանանք, որ Աղանալում և Թուրքիայի մնացած նահանգներում փաստական իշխանությունը գտնվում էր երիտթուրքերի ձեռքին։

Ինչպես կոտորածների ընթացքի, այնպես էլ կազմակերպիչների հարցը առաջինը քննարկել է թե՛ հայ, և թե՛ արտասահմանյան մամուլը, սակայն հարկ է նշել, որ մամուլում տպագրված ոչ բոլոր հաղորդագրություններին և հոդվածներին պետք է հավատ ընծայել, քանզի գրանցում արտացոլվել են ժամանակի շունչը, ոգին և տատանումները։ Այսպես, 1909 թ. Թիֆլիսի «Գործ»-ի տարբեր համարներում, ըստ ստացված տեղեկությունների, Աղանալի կոտորածների կազմակերպիչների վերաբերյալ կան իրար հակասող և հերքող հոդվածներ։ Օրաթերթի մի համարում Աղանալի կոտորածները համարվում են Կ. Պոլսում հալթանակած ռեակցիայի շնորհիվ ոգևորված և գլուխ բարձրացրած «մուսթ ու ոճրական ուժերի գործը»⁷⁸, իսկ մյուսում նշված է, որ «բռնակալական շրջանի ամենատիպիկ ներկայացուցիչները, կամայականություն, սանձարձակության ամենահեռանդուն գործիչները՝ վալի-ներից, մյուսթեսարիֆներից սկսած մինչև ամենահետին գալմազամը, մյուսդիրն ու զապթիան-իթթիհատական են դարձած»⁷⁹, որից էլ կարելի է եզրակացնել, թե բոլոր պաշտոնյաները, փաստորեն, «Միություն և առաջադիմություն» կուսակցության անդամներ են, որքանով Աղանալի կոտորածները կազմակերպվել են կենտրոնական կառավարության ցուցումներով ու տեղական իշխանությունն ղեկավարությանը։ Աղանալի սպանդը երիտթուրքերի պանիսլամական քաղաքականության անկյունաքարն էր, որի հիմքը դրվեց 1909 թ. ապրիլին։ Նույն թերթի մեկ այլ համարում տպագրված հաղորդագրության հեղինակը պնդում է, թե հնարավոր չէր Աղանալի մասին ստանալ ճիշտ տվյալներ, քանի որ նահանգային վարչությունը «գրաքննություն էր հաստատած այնտեղից ուղարկվող հեռագրերների վրա» և «միայն այժմ կարելի է լինում ստանալ այդ տեղեկությունները։ Բոլոր տեղեկությունները ցույց են տալիս, որ ընդհարումն առաջացրել են Համիդի և ռեակցիայի գործակալները»⁸⁰։

Ինչ խոսք, որ այդպիսի հաստատ համոզմունքով հրապարակված հաղորդագրությունն անհրաժեշտ է վերապահորեն ընդունել, որովհետև երիտթուրքերը Համիդի գահընկեցությունից և Աղանալի կոտորածներից հետո, բնական է, պետք է աշխատեին պատասխանատվության իրենց բաժինն էլ գցել տալոված սուլթանի ու նրա ռեժիմի վրա և հենց սա էլ արտացոլվել է մամուլում։ Իրավացի է կոտորածների ականատես Հ. Աշճյանը, երբ գրում է, որ «Աղանալի ջարդը տեղական ու պատահական դեպք մը չէր, այլ օսմանյան կառավարության գլխավոր վարիչներուն կողմեն ծրագրված ու գործադրված կարգադրություն մըն էր»⁸¹։ Նա կազմակերպված ջարդերի պատասխանատու է համարում թուրքական կառավարությանն ընդհանրապես, մատնանշելով նաև երիտթուրքերի մասնակցությունն այդ գործին. «Աղանալի ջարդեն անմիջապես հետքը,— գրում է նա,— տեղական կառավարությունն ու Միություն և Առաջադիմություն կուսակցությունը տեսան թե խըն-

⁷⁸ Գործ, 10. IV. 1909:

⁷⁹ Նույն տեղում, 18. IV. 1909:

⁸⁰ Նույն տեղում, 28. IV. 1909:

⁸¹ Հ. Աշճյան, նշվ. աշխ., էջ 9:

կարծում է, որ սահմանադրական կարգերի հանդեպ հայերի հավատարմությանը երիտթուրքերը պատասխանեցին «Ադանայի կոտորածով՝ որով սկիզբ դրվեց պատմության մեջ երբևէ գրանցված ամենասարսափելի շարժերի շարքին»⁸⁹:

Այսպիսով, արևիվային վավերագրերը, ժամանակի մամուլը, ժամանակակիցների հուշերը, հայ և օտար պատմաբանների աշխատությունները աներկբայորեն ապացուցում են, որ Ադանայի կոտորածները կազմակերպվել և ղեկավարվել են երիտթուրքերի կողմից՝ մասնակցությամբ նաև հին վարչակարգի պաշտոնյաների՝ լեյալիի, ծրագրերի իրականացման գործում «Միություն և առաջադիմություն» կուսակցության ձգտումները համընկնում են համիդյան ռեժիմի պաշտոնյաների նպատակների հետ:

РЕЗНЯ АРМЯН В АДАНЕ В 1909 Г.

Р. Г. ГАСПАРЯН

Р е з ю м е

Младотурецкая революция июля 1908 года была воспринята как завершение векового турецкого ига, деспотизма и злодеяний гамидского периода. Многострадальный и угнетенный армянский народ и впрямь поверил в провозглашенные младотурками лозунги братства, равноправия, свободы. Однако младотурки продолжили жестокую политику Абдул Гамида, преследуя пантюркистские и панисламистские цели, организовали и осуществили аданскую резню. Резня и грабежи имели место как в Адане, так и в Тарсусе, Аптоглу, Мисисе, Османье, Паясе, Мерсине, Латакии, Антиоке, Айнтапе, Айасе и в других местах. Одновременно в ряде населенных мест Киликии армяне организуют сильное сопротивление. Оборонительные бои вилайета Аданы являются историческим эпизодом героической борьбы армянского народа за жизнь и самосохранение.

ARMENIANS' MASSACRE OF ADANA IN 1909

R. G. GASPARIAN

S u m m a r y

The Young-Turks revolution of June 1908 was hailed as the termination of the century-long Turkish yoke, despotic rule and autocracies of the Hamid period. The long-suffering and suppressed Armenian people did in actual fact believe the slogans proclaimed by the Young Turks of brotherhood, equal rights and freedom. However, the young Turks continued to pursue the cruel policy of Abdul-Hamid, pursuing the pan-Turkish and pan-Islamic goals, organizing and carrying out the Adana massacre. The massacre and looting took place both in Adana and in Tarsmus, Aptoglu, Mists, Osmania, Palas, Mersina, Latakia, Antiokh, Aintap, Alas and at other places. Simultaneously in a number of population centres of Cilicia the Armenians organized a powerful resistance. The defensive combats of the Adana Vilayet were historic occasions of heroic struggle of the Armenian people for survival and self-preservation.

⁸⁹ G. Morgan, The History of the Armenian People, Boston, p. 306.